

七十二家集

重纂沈隱侯集序

休文八病四聲墨莊同所稟仰  
千載下不得越隴而飛乃天子  
聖哲帝竟不遵用人故有遇而  
不遇耶郊廟樂章後來以其不  
純用典誥命蕭子雲易之今二

家作具在未見蕭之便奪沈幟  
而踞其上也郊居一賦擷芬揚  
藁字無虛設玄暘八首則詩也  
而進於賦焉外此衆製武庫森  
羅以乃公才頓堪陵厲一世顧  
其津梁晚彥虛徠實歸此文瀾

之滙而成谷王也褚彥回羽齊  
閱盡彈射幾無完膚乃休文並  
世多歸戴而少同異則固獎掖  
名下之報然佐命一局竟自拚  
乾淨土即自心有不能釋然者  
識誨文歷叙生平小過纖曲靡

遺獨不敢略及此事直至和帝  
入夢赤章自明何嗟及哉桐栢  
山碑云高宗時固乞還山權懋  
汝南縣境復蒙繫維永泰元年  
方遂初願遠出天台定居桐栢  
按史絕不載休文還山事豈旋

出旋召而史不書耶公與徐脩  
仁槭云昏猜之始因此求退托  
卿致言於徐令然則東昏嗣位  
尚稱永泰曾一放歸史偶不及  
耳權懋汝南又在何年耶嗟乎  
令休文而齊季終老也梁錄旣

躡應與謝朓何胤分路揚鑣而  
文采百倍之矣彥回瑣々曷足  
以云

壬戌夏五閏漳張燮識于金華  
道中

南海朱光夜書

沈隱侯集目錄

卷之一

賦

郊居賦

啓塗賦

憫國賦

麗人賦

傷美人賦

擬風賦



桐賦

高松賦

懸衰草賦

天淵水鳥賦

反舌鳥賦

卷之二

樂府

梁雅樂歌十一首

皇雅 三曲

滌雅 一曲

騷雅 一曲

誠雅 三曲

獻雅 一曲

禋雅 二曲

梁南郊登歌詩二首

梁北郊登歌二首

梁明堂登歌五首

青帝

赤帝

黃帝

白帝

黑帝

梁宗廟登歌七首

梁三朝雅樂歌六首

俊雅 三曲

胤雅 一曲

寅雅 一曲

介雅 三曲

需雅 八曲

雍雅 三曲

五引曲五首

角引

徵引

宮引

商引

羽引

梁鼓吹曲十二首

木紀謝

賢首山

桐柏山

道亡

忱威

漢東流

鶴樓峻

昏主恣淫慝

石首局

期運集

於穆

惟大梁

梁大壯大觀舞歌二首

大壯舞歌

大觀舞歌

梁輶舞歌

明之君六首

卷之三

樂府

日出東南隅行

昭君辭

長歌行

又

君子行

從軍行

豫章行

相逢狹路間

長安有狹斜行

三婦豔

江蘿生幽渚

却出東西門行

飲馬長城窟

青青河畔草

梁甫吟

君子有所思行



白馬篇

齊謳行

前緩聲歌

鼓吹曲二首同諸公賦

芳樹

歸高臺

王融巫山高附

又芳樹附

謝朓芳樹附

又臨高臺附

劉繪巫山高附

又有所思附

范雲巫山高附

又有所思附

又當對酒附

洛陽道

江南曲

東武吟行

怨歌行

悲哉行

携手曲

有所思

夜夜曲

二曲

釣竿

臨碣石

湘夫人

貞女引

襄陽白銅鞮歌三首

梁武帝白銅鞮歌附

永明樂

江南弄四首

趙瑟曲

秦箏曲

陽春曲

朝雲曲

樂未央

四時白紵歌五首

春白紵

夏白紵

秋白紵

冬白紵

夜白紵

卷之四

詩

侍皇太子釋奠宴

爲南郡王侍皇太子釋奠宴一首

三日侍鳳光殿曲水宴應制

爲臨川王九日侍太子宴

九日侍宴樂遊苑

從齊武帝瑯琊城講武應詔

三日侍林光殿曲水宴應制

侍宴樂遊苑餞呂僧珍應詔

正陽堂宴勞凱旋

遊鍾山詩應西陽王教五章

登高望春

遊金華山

劉真人東山還

登玄暢樓

酬謝宣城朓卧疾

謝朓在郡卧病呈沈尚書附

新安江至清淺深見底貽京邑遊好

送別友人

去東陽與吏民別

早發定山

循役朱方道路

和竟陵王遊仙詩二首

遊沈道士館

還園宅奉酬華陽先生

華陽先生登樓不復下贈呈

酬華陽陶先生

奉華陽王外兵

赤松澗



八關齋

古意

少年新婚爲之詠

夢見美人

直學省愁卧

休沐寄懷

宿東園

行園

謝朓和沈祭酒行園附

和左丞庾杲之病

和竟陵王抄書

奉和竟陵王郡縣名

奉和竟陵王藥名

和陸慧曉百姓名

三月三日率爾成章

織女贈牽牛

王筠代牽牛荅織女附

應王中丞思遠咏月

和王中書德克詠白雲

詠雪應令

和劉雍州繪博山香爐

劉繪詠博山香爐附

詠湖中鴈

冬節後至丞相第詣世子車中作

奉和竟陵王經劉瓛墓

竟陵王登山望雷居士精舍同沈右

衛過劉先生墓下作附

悼亡

卷之五

詩

侍遊方山應詔

樂將殫恩未已應詔

泛永康江

餞謝文學離夜

謝朓答沈右率諸君餞別附

別范安成

效古

庭雨應詔

初春

春思

傷春

秋夜

同詠樂器

詠箎

謝朓詠琴附

王融詠琵琶附

同詠坐上玩器

詠竹檳榔盤

謝朓詠烏皮隱几附

簷前竹

翫庭柳

麥李

詠桃

詠青苔

十詠二首

領邊繡

脚下履

懷舊詩九首

傷王融

傷謝朓

傷庾杲之

傷王謚

傷虞炎

傷李珣之

傷韋景猷

傷劉渢

傷胡諧之

詠新荷應詔

聽蟬鳴應詔

詠笙

詠藥

詠石榴



大言應令

昭明太子大言附

細言應令

又細言附

詠餘雪

詠帳

侍宴詠反舌

寒松

詠孤桐

詠梧桐

園橘

詠梨應詔

西地梨

詠芙蓉

詠杜若

詠鹿葱

甘蕉

詠菰

早行逢故人車中爲贈

爲鄰人有懷不至

阻雪連句

和劉中書仙詩二首

華山館爲國家營功德

和王衛軍解講

侍宴謝朓宅餞東歸應制

酬孔通直邊懷蓬居

石塘瀨聽猿

出重圍和傅昭

秋晨羈怨望海思歸

侍宴樂游苑餞徐州刺史應詔

懋郊園和約法師採藥

四城門

老

上巳華光殿

六憶詩四首

八詠詩

登臺望秋月

會圃臨東風

歲暮愍衰草

霜來悲落桐

夕行聞夜鶴

晨征聽曉鶩

解佩去朝市

被褐守山東

卷之六

詔

改天監元年恩詔

南郊恩詔三首

立太子恩詔二首

立內職詔

使四方士民陳刑政詔

勸農訪民所疾苦詔

搜隱逸詔

酬荆雍義士詔

赦詔二首

立左降詔

降死罪詔

沈文季加侍中詔

崔慧景加侍中詔

授蕭惠休右僕射詔

授王亮左僕射詔

王亮王瑩加授詔

臨川王子晉南康侯子恪遷授詔

王茂加侍中詔

資給何點詔

卷之七

詔

封授臨川等五王詔

劉領軍封侯詔

王亮等封侯詔

常僧景等封侯詔

封三舍人詔

封申希祖詔

封李居士等詔



封徐世檨詔

封左興盛等詔

勅

梁武帝踐祚興州勅

與謝朓勅

與何胤勅

制

授蔡法度廷尉制

授王績蔡約王師制

疏

脩定樂書疏

梁武帝問群臣音樂詔附

論譜籍疏

議乘輿升殿疏

卷之八

表

上宋書表

上注制旨連珠表

爲柳世隆上銅表

上建闕表

爲柳兗州世隆上舊宮表

舉胡元秀表

薦劉粲表

與沈淵薦沈麟士表

沈麟士與沈約書附

爲柳世隆讓封公表

爲褚炫讓吏部尚書表

爲南郡王讓中軍表

爲始興王讓儀同表

讓僕射表

讓五兵尚書表

爲皇太子謝表

爲長城公主謝表

謝封建昌侯表

謝母封建昌國太夫人表

到著作省謝表

拜尙書令到都謝表

謝立皇太子賜絹表

謝賜新曆表

致仕表

臨終遺表

章

爲安陸王謝荊州章

爲晉安王謝南兖州章

爲六宮拜章

卷九

彈文

奏彈王源

奏彈孔稚珪違制啓假事

奏彈奉朝請王希冊違假

奏彈御史孔橐題省壁悖慢事

奏彈秘書郎蕭遙昌

奏彈王僧佑

脩竹彈甘蕉文

啓

賀齊明帝登祚啓

上錢隨喜光宅寺啓

送育王像并上錢燭等啓

謝賜甘露啓

謝勅賜冰啓

謝賜紵綢絹等啓

謝勅賜絹葛啓

謝齊竟陵王教撰高士傳啓

謝齊竟陵王示華嚴璣珞啓

謝齊竟陵王示永明樂歌啓

謝竟陵王賚并赫國雲氣黃綾裙襦啓

謝女出門宮賜絹綺燭啓

謝司徒賜北蘇啓

爲柳世隆謝賜樂游苑胡桃啓

爲東宮謝勅賜孟嘗君劍啓

爲皇太子謝賜御所射雉啓

荅釋法雲啓



釋法雲與朝貴書附

卷之十

書

與徐勉書

荅陸厥問聲韻書

陸厥與沈問聲韻書附

荅樂藹書

樂藹與沈右率書附

荅沈麟士書

與范述曾論齊竟陵王賦書

與陶弘景書

報王筠書

報博士劉杳書

與約法師書

序

梁武帝集序

內典序

佛記序

梁武帝勅沈約撰佛記序附

恭品序

卷之十一

論

七賢論

辯聖論

均聖論

陶弘景難沈鎮軍均聖論附

荅陶華陽

究竟慈悲論

形神論

卷之十二

論

神不滅論

難范縝神滅論

范縝神滅論附

述僧設會論

述僧中食論

義

佛知不異衆生知義

六道相續作佛義

因緣義

卷之十三

頌

千佛頌

朝野徒故宮頌

贊

高士贊

有序

繡像題贊

有序

彌勒贊

銷聲贊

雪贊

銘

瑞石像銘

有序

光宅寺刹下銘

并序

彌陀佛銘

釋迦文佛像銘

栖禪精舍銘

有序

連珠

連珠二首

卷之十四

記

枳園寺剎下石記

齊竟陵王題佛光記

碑

桐栢山金庭館碑

法王寺碑

善館碑

齊故安陸昭王碑

豫章文憲王碑

太尉王儉碑

比丘尼僧敬法師碑

卷之十五

哀策文



齊明帝哀策文

謚議

齊武帝謚議

齊明帝謚議

梁德皇后謚議

墓誌銘

齊太尉文憲王公墓銘

齊太尉徐公墓誌

丞相長沙宣武王墓銘

司徒謝朓墓銘

尚書右僕射范雲墓銘

太常卿任昉墓銘

行狀

齊司空柳世隆行狀

齊臨川王行狀

齊禪林寺尼淨秀行狀

卷之十六

文

懺悔文

千僧會願文

賽蔣山廟文

冠子祝文

疏

爲文惠太子禮佛願疏

爲文惠太子解講疏

爲齊竟陵王發講疏

并頌

爲齊竟陵王解講疏二首

爲南郡王捨身疏

捨身願疏

附錄

沈約傳

陳姚察

訓德賦

有序

齊謝朓

贈沈左衛

梁范雲

送沈記室夜別

梁范雲

題沈隱侯八詠樓

唐崔顥

沈僕射休文

明胡應麟

遺事

集評

沈隱侯集卷之一

梁吳興沈約休文著

明閩漳張爕紹和纂

賦

郊居賦

惟至人之非已固物我而兼忘自申智以下泊  
咸得性以爲場獸因窟而獲騁鳥先巢而後翔  
陳巷窮而業泰嬰居湫而惠昌僑棲仁於東里  
鳳晦迹於西堂伊吾人之褊志無經世之大方

思依林而羽戢願託水而鱗藏固無情於輪奐  
非有欲於康莊披東郊之寥廓入蓬藿之荒茫  
旣從豎而橫構亦風除而雨攘昔西漢之標季  
余播遷之云始違利建於海昏創惟棄於江汜  
同河濟之重世踰班生之十紀或辭祿而反畊  
或彈冠而來仕逮有晉之隆安集艱虞於天步  
世交爭而波流民失昔而狼顧延亂麻於井邑  
曝如莽於衢路大地曠而靡容昊天遠而誰訴  
伊皇祖之弱辰逢昔艱之孔棘違危邦而窘驚

訪安土而移卽肇啓宇於朱方掩閒庭而宴息  
值龍顏之鬱起乃憑風而矯翼指皇邑而南轅  
駕脩衢以騁力遷華扉而來啓張高衢而徙植  
傍逸陌之脩平面淮流之清直芳塵浸而悠遠  
世循忽其宸隆繇四代於茲日盈百祀於微躬  
嗟弊廬之難保若霄籀之從風或誅茅而剪棘  
或旣西而復東乍容身於白社亦寄孥於伯通  
迹平生之耿介寔有心於獨往思幽人而軫念  
望東臯而長想本忘情於徇物徒羈紲於天壤



應屢歎於牽絲陸興言於世網事滔滔而未合  
志惛惛而無爽路將殫而彌峭情薄暮而踰廣  
抱寸心其如蘭何斯願之浩蕩詠歸歟而躑躅  
眷巖阿而抵掌逢肯君之喪惠何凶昏之孔熾  
乃戰牧所未陳寔升陟所不記彼黎元之喋喋  
將垂獸而爲餌瞻窮昊而無歸雖非牢而被截  
始歎絲而未覩終迫組而後值尋貽愛乎上天  
固非民其莫甚援冥筮於井翼寔靈命之所稟  
當降監之初辰值積惡之云稔靈方割於下墊

靡重氛於上珍躬靡暇於朝食常求衣於夜枕  
既牢籠於矯夏又馳驅乎軒頊惠無遠而不被  
明無微而不燭鼓玄澤於大荒播仁風於遐俗  
闢終古而遐念信王猷其如玉值銜圖之盛世  
遇興聖之嘉期謝中涓於初日叨光佐於此昔  
闕投石之猛志無飛矢之麗辭排陽烏而命邑  
方河山而啓基翼儲光於三籙長王職於百司  
兢鄙夫之易失懼寵祿之難持伊前世之貴仕  
罕紆情於丘窟譬叢華於楚趙每驕奢以相越

築甲館於銅駝並高門於北闕闢重扇於華閭  
登蓬蒿所能沒教傳嗣於堦壤何安身於窮地  
味先喆而爲言固余心之所嗜不慕權於城市  
豈邀名於屠肆詠希微以考室幸風霜之可庇  
爾乃傍窮埜抵荒郊緇霜萎葺寒茅構棲噪之  
所集築町疇之所交因犯檐而刊樹由妨基而  
剪巢決渟渚之汀澹塞井甃之淪坳莠芳枳於  
北渠樹脩楊於南浦遷甕牖於蘭室同肩牆於  
華堵織宿楚以滅門籍外扉而爲戶旣取陰於

庭榭又因籬於芳杜開閣室以遠臨闢高軒而  
旁觀漸沼沚於霑垂周塋陷於堂下其水草則  
蘋萍芡芰菁藻蘩菰石衣海髮黃荇綠蒲動紅  
荷於輕浪覆碧葉於澄湖飡嘉實而却老振羽  
服於清都其陸卉則紫鼈綠蔬天著山韭鴈齒  
麋舌牛脣薺首布濩南池之陽爛熳北樓之後  
或纂渚而芘地或繁窻而窺牖若乃園宅殊製  
田圃異區李衡則橘林千樹石崇則襍果萬株  
並豪情之所侈非儉志之所娛欲令紛披蓊鬱

吐綠攢朱羅窻映戶接雷承隅開丹房以四照  
舒翠葉而九衢抽紅英於紫蒂銜素蘂於青跗  
其林鳥則鸞泊頤頤遺音下上楚雀多名流嚶  
裸響或斑尾而綺翼或綠衿而絳頰好葉隱而  
枝藏乍聞關而來往其水禽則大鴻小鴈天狗  
澤虞秋鷺冬鷁脩鷁短鳬曳參差之弱藻戲澆  
澆之輕軀翅桴壑而起沫翼鼓浪而成珠其魚  
則赤鯉青魴纖鱗鉅鰭碧鱗朱尾脩顙偃頰小  
則戲渚成文大則噴流揚白不興羹於江海聊

相忘於余宅其竹則東南獨秀九府擅奇不遷  
植於淇水豈分根於樂池秋凋唼葉寒雀噪枝  
來風南軒之下負雪北堂之垂訪往塗之軫跡  
觀先識之情僞每誅空而索有皆指難以爲易  
不自已而求足金尤物以興累亦昔士之所迷  
而今余之所避也原農皇之攸始討厥播之云  
初肇變腥以粒食乃人命之所儲尋井田之往  
記考阡陌於前書顏簞食而樂在鄭高廩而空  
虛頃四百而不足畝五十而有餘撫幽衷而竭

念幸取給於庭廬緯東菑之故耜浸北畝之新  
崇無褻爨於曉蓐不抱怒於朝蔬排外物以齊  
遺獨爲累之在余安事千斯之積不羨汶陽之  
墟臨異維而聘目卽堆冢而流眄雖茲山之培  
塿乃文靖之所宴驅四牡之低昂響繁筵之清  
轉羅方員而綺錯窮海陸而兼薦奚一權之足  
偉委千金其如線試撫臆而爲言豈斯風之可  
扇將通人之遠旨非庸情之所見聊遷情而徙  
睎識方阜於歸津帶脩汀於桂渚肇舉鍾於疆

秦路縈吳而欵越塗被海而通閩懷三鳥以長  
念伊故鄉之可珍寔褰期於晚歲非失步於方  
春何東川之漣漣獨流涕於吾人謬參賢於昔  
代亟徒游於茲所侍綵旄而齊轡陪龍舟而遵  
渚或列席而賦詩或班觴而宴語總惟一朝冥  
漠西陵忽其葱楚望商飈而來歎每樂愜於斯  
觀始則鐘石鏘鉉終以魚龍瀾漫或升降有序  
或浮白無算貴則景魏蕭曹親則梁武周旦莫  
不共霜霧而歇滅與風雲而消散眺孫后之墓



田尋雄霸之遺武寔接漢之後王信開吳之英  
主指衡岳而作鎮苞江漢而爲宇徒徵言於石  
槲遂延災於金縷忽蕪穢而不脩同原陵之廡  
廡寧知螻蟻之與狐兔無論樵芻之與牧豎睇  
東巘以流目心悽愴而不怡蓋昔儲之舊苑寔  
博望之餘基脩林則表以桂樹列草則冠以芳  
芝風臺累翼月榭重栴千櫨嵒磔百拱相持阜  
轅林駕蘭榭水嬉踰三齡而事往忽二紀以歷  
茲咸夷漫以蕩滌非古今之異豈回余眸於良

域覽高館於茲嶺雖混成以無跡寔遺訓之可  
乘始飡霞而吐霧終陵虛而倒景駕雌蜺之連  
卷泛天江之悠永指咸池而一息望瑤臺而高  
騁匪爽言以自姱冀神方之可請惟鍾巖之隱  
鬱表皇都而作峻蓋望秩之所宗含風雲而吐  
潤其爲狀也則巍峩崇翠喬枝拂日崑崙岩崑  
墜石堆星岑崑筆帆或坳或平盤堅枕卧詭狀  
殊形孤磴橫插洞穴斜經千丈萬仞三襲九成  
亘繞州邑欵跨郊垌素煌晚帶白霧晨縈近循

則一巖異色遠望則百嶺俱青觀二代之瑩兆  
覩摧殘之餘遂成顛沛於虛豎康歛衿於虛器  
穆恭已於巖廊簡遊情於玄肆烈窮飲以致災  
安忘懷而受祟何宗祖之奇傑威橫天而陵地  
惟聖文之纘武始隆平之可至余世惠之所君  
仰遺封而掩淚神寢匪一靈館相距席布駢駒  
堂流桂醕降紫皇於天闕延二妃於湘渚浮蘭  
煙於桂棟召巫陽於南楚揚玉桴握椒糈悅臨  
風以浩唱折瓊茅而延佇敬惟空路邈遠神蹤

進滯念甚驚飈生猶聚沫歸妙軫於一乘啓玄  
扉於三達欲息心以遣累必違人而後豁或結  
榛於巖根或開櫺於木末室閭蘿葛檐桷松栝  
旣得理於兼謝固忘懷於饑渴或攀枝獨遠或  
陵雲高蹈因葺茨以結名猶觀空以表號得息  
已於茲日豈期心於來報天假余以大德荷茲  
賜之無疆受老夫之嘉稱班燕禮於上庠無希  
驥之秀質乏如珪之令望邀昔恩於舊主重匪  
服於今皇仰休老之威則請微軀於夕陽勞蒙

司而獲謝猶奉職於春坊肯言歸於陋宇聊暇  
日以翱翔棲余志於淨國歸余心於衢場獸依  
墀而莫駭魚物沼而不綱旋迷塗於去轍篤後  
念於徂光晚樹開花初英落葉或異林而分冊  
青乍因風而襍紅紫紫蓮夜發紅荷曉舒輕風  
微動其芳襲余風騷屑於園樹月籠連於池竹  
蔓長柯於簷桂發黃華於庭菊冰懸堦而帶坻  
雪縈松而被埜鳴屯飛而不散鴈高翔而欲下  
金昔物之可懷雖外來而非假寔情性之所留

滯亦忘之而不能捨也傷余情之類慕罹憂患  
其相溢悲異軫而同歸懽殊方面並失肯復託  
情魚鳥歸閑蓬華旁闕吳娃前無趙瑟以斯終  
老於焉消日惟以天地之恩不報書事之官靡  
述徒重於高門之地不載於良史之筆長太息  
其何言益愧心之非一

愍塗賦

結枋窮渚思臨長嶼情依舊越身經故楚彼長  
路之多端伊客心之無緒懽因循而易失悲由  
心而難拒此江海之信遼知余思之方阻日掩  
長浦風掃聯葭疊雲凝憤廣水騰華聽奔沸於  
洲嶼望掩曖乎煙沙依雲邊以知國極鳥道以  
瞻家免悽愴於羈離亦殷勤於行路歎余塗之  
屢蹇奚前芳之可慕

憫國賦

余生平之無直徒跣趾以自閑處圍城之惴惴  
得無用於行間對僚友而不怡咸怍顏而相顧  
畏高衝之北樾壯激矢之南度駭潛師之夜過  
驚躍馬之晨呼矛森森而密豎旗落落而疎布  
時難紛其未已歲功迫其將徂素蟣於玄冑  
垂葆髮於纓胡



麗人賦

有客弱冠未仕締交戚里馳騫王室遨遊許史  
歸而稱曰狹斜才女銅街麗人亭亭似月嫵婉  
如春凝情待價思尚衣巾芳喻散麝色茂開蓮  
陸離羽珮雜錯花鈿響羅衣而不進隱明燈而  
未前中步檐而一息順長廊而迴歸池翻荷而  
納影風動竹而吹衣薄暮延佇宵分乃至出閨  
入光含羞隱媚垂羅曳錦鳴瑤動翠來脫薄粧  
去留餘膩霜粧委露理鬢清渠落花入領微風

沈隱侯集

卷一

七

動裾

傷美人賦

信美顏其如玉咀清哇而度曲思佳人而未來  
望餘光而躑躅拂嶠雲之高帳陳九枝之華燭  
虛翡翠之珠被空合歡之芳褥言歡愛之可求  
度羅袂之空裁曾未申其巧笑忽淪軀於夜臺  
伊芳春之仲節夜猶長而未遽悵徙倚而不眠  
往徘徊於故處

擬風賦

若夫搖玉樹響金扉拂九層之羽蓋轉八鳳之  
珠旂時卷瑤臺翠帳乍動佚女輕衣此蓋羽客  
之仙風也

桐賦

龍門之桐遠望青葱專巖擅嶺或孤或叢枝封  
暮雲葉映晝虹抗蘭橈以棲龍拂雕窓而團露  
暄密葉於鳳晨宿高枝於鸞暮合影陽崖標峯  
東陸俯結玄陰仰成翠屋乍髣髴於行雨時徘徊  
於丹轂遶齊綵於碧林豈慙光於若木

高松賦

鬱彼高松，栖根得地，託北園於上邱，依平臺而  
養翠。若夫蟠株聳幹之懿，含星漏月之苛，經千  
霜而得拱，仰百仞而方枝。朝吐輕煙，薄霧夜宿  
迷鳥。羈雌露雖滋而不潤，風未動而先知。旣梢  
雲於清漢，亦倒景於華池。輕陰蒙密，喬柯布蔭。  
葉斷禽蹤，枝通援路。聽騷騷於旣曉，望隱隱於  
將暮。曖平湖而淒青，綠拂繒綺而籠丹。素於時  
風，惡壟首寒浮。塞天流蓬不息，明月孤懸檀欒。

之竹可詠鄒枚之客存焉清都之念方遠姑射  
之想悠然擢柔情於蕙圃涌寶思於珠泉豈徒  
爲善之小樂離繳之短篇若此而已乎

愍衰草賦

愍衰草衰草無容色憔悴荒徑中寒荻不可識  
昔時今春日昔日今春風銜花今佩實垂綠兮  
散紅巖隄兮海岸冰多兮霰積布綿密於寒臯  
吐纖疏於危石彫芳卉之九衢實靈茅之三脊  
風急峭道難秋至客衣單旣傷簷下菊復悲池  
上蘭飄落逐風盡方知歲早寒流螢暗明燭鴈  
聲斷裁續霜奪莖上紫風銷葉中綠秋鴻兮疏  
引寒鳥兮聚飛徑荒寒草合草長荒徑微園庭



漸燕沒霜露日霑衣

天淵水鳥應詔賦

天淵池鳥集水漣漪單汎姿容與羣飛時合離  
將騫復歛翻迴首望驚雌飄薄出孤嶼未曾宿  
蘭渚飛飛忽云倦相鳴集池籞可怜九層樓光  
影水上浮本來暫止息遇此遂淹留若夫旅浴  
清深朋翻迴曠翠鬣紫纓之飾丹冕綠襟之狀  
過波兮湛澹隨風兮迴漾竦臆兮開萍蹙水兮  
興浪

反舌鳥賦

咨玄造之大德播含靈於無小有反舌之微禽  
亦班名於庶鳥乏嘉客之可翫因繁聲以自表  
其聲也驚詭嚶嚶縈紆離亂駢浮迴合出危瑣  
散或發曲無漸或收音去半旣含意於將曉亦  
流妍於始旦雜沓逶迤噉跳參差攢矯動葉促  
轉繁枝分宮析徵萬矩千規因風起哢曳響生  
奇對芳辰於此月屬今余之遵暮倦城守之誼  
疲愛田郊之閒素眷春物而懷之聞好音於庭

樹